


新 中 學 文 學 庫
元 明 散 曲 選
下 冊
盧 冀 野 選 註



商 務 印 書 館 發 行

本讀充補文國學中

集 一 第

選 曲 散 明 元



冊 下
註 選 野 冀 盧



叔 頌 公 獎 學 金 著 編 主

岫 寄 張 香 殿 丁 五 雲 王

字 第 1812/5 號



行 發 館 書 印 務 商

上海圖書館藏書



A541 212 0002 2174B

鍾嗣成

鍾嗣成，字繼先，號醜齋。汴人。正音譜評他的曲，如「騰空寶氣。」有醜齋樂府。他所作錄鬼簿，都是曲中最可寶貴的掌故。

醉太平

失題

俺是悲天院⊖下司。俺是劉九兒⊖宗枝。鄭元和⊖俺當日拜爲師。傳流下蓮花落稿子。擲竹枝。遶遍鶯花市。提灰筆寫就鴛鴦字。打爻槌。唱會鷓鴣詞。窮不了俺風流敬思。

風流貧最好。村沙富難交。拾灰泥補砌了舊磚窰。開一箇教乞兒市學。裹一頂半新不舊烏紗帽。穿一領半長不短黃麻罩。繫一條半聯不斷皂環縹。做一箇窮風

月訓導^④

①悲天院又作卑田院，乞丐所居處。

②疑卽樂府解題所釋劉生，齊梁以來，輒用爲題。

③鄭元和，

見唐人小說李娃傳。

④訓導，教官也。

清江引

情

夜長四壁人靜悄。強把屏山靠。①迷路楚雲深，有夢無著落。俏魂靈險些兒乾送了。

夜長怎生得睡着。萬感縈懷抱。伴人瘦影兒，惟有孤燈照。長吁氣一聲吹滅了。

昨天話兒說甚底。今日都翻悔。直恁鐵心腸，不管人憔悴。下場頭送了我都是你。

①卽屏風，上繪山水。

凌波曲

弔喬吉甫

平生湖海少知音。幾曲宮商①大用心。百年光景還爭甚。空贏得雪髯侵。跨仙禽
路遠雲深。欲挂墳前劍②。重聽膝上琴。漫攜琴載酒相尋。

弔睢景臣

吟髭撚斷爲詩魔。醉眼慵開爲酒醜。半生才便作三閭③。些歎番成薤露歌④。等
閒間蒼鬢成皤。功名事歲月過。又待如何。

①宮商聲調也。此指文詞言。

②掛劍墳前，吳季札事。

③謂屈原。

④古輓歌名。

南呂一枝花

醜齋自述

生居天地間。稟受陰陽氣。既爲男子體。須入壯俗機。所事堪宜。件件可咱家意。爲

評跋惹是非。折莫煞舊友新知。纔見了着人笑起。

〔梁州〕我爲這外貌兒不中擡舉。因此上內才兒不得便宜。半生未得文章力。空自古胸藏錦繡。口吐珠璣。只爭奈灰容土貌。缸齒重頤。又兼着細眼單眉。人中短、髭鬚稀稀。那裏取陳平一般冠玉精神。何晏一般風流面皮。那裏取潘安般俊俏容儀。自知就裏。清晨倦把青鸞對。恨煞爹娘不爭氣。有一日黃榜招收醜陋的。准擬奪魁。

〔隔尾〕有時軟烏紗抓割起鑽天髻。乾皂靴出落着簌地衣。向晚乘閒後門立。猛可的笑起。似一箇甚的。恰便似見世鍾馗。號不殺鬼。

〔牧羊關〕冠不正、相知罪。貌不揚、怨恨誰。那里尊瞻視。貌重招威。枕上尋思。心頭怒起。空長三十歲。暗想九十回。恰便似木上節、難鏟鋸。胎中疾、沒藥醫。

〔賀新郎〕世上能走的不能飛。饒你千件千宜。百伶百俐。聞中解盡其中意。黑暗地自恁解釋。倦閒游出塞臨池。臨池魚恐墜。出塞雁驚飛。入園林宿鳥應回避。生

前難入畫。死後不留題。

〔隔尾〕寫神的要得丹青意。不怕你巧筆難傳造化機。不打草兩般兒可同類。法刀鞘依着格式。粧鬼的添上嘴角。眼巧何須做樣比。

〔哭皇天〕饒你有拏雲藝冲霄計。誅龍局打鳳機。近來論世態。世態有高低。有錢的高貴。無錢的低微。那裏問風流子弟。折朱顏如灌口。貌賽神仙。洞賓⑤出世。宋玉④重生。沒答子鏝的。⑥夢撒了寮丁。他呆你也不見得。枉自論黃數黑。談說是非。

〔烏夜啼〕一箇斬蛟龍。秀士爲高第。升堂室今古誰及。一箇射金錢。武士爲夫婿。韜略無敵。武藝深知。醜和好自有是和非。文共武便是傍州例。有鑒識。無嗔諱。自花白。寸心不昧。若說謊。上帝應知。

〔收尾〕常記的半窗夜雨燈初昧。一枕秋風夢未回。見一人請相會。道咱家必高貴。既通儒。又通吏。既通疎。又精細。一時間失商議。既成形。悔不及。我教你請俸給。

子孫多。夫婦宜。貨充盈。倉廩實。祿福增。壽笑齊。我特來告你知。暫相別。恕情罪。嘆息了。幾聲懊悔。了一會。覺來時。記得。記得是誰。元來是不做美當年的捏胎鬼。

①陳平，漢陽武人。史稱其美如冠玉。

②何晏，字平叔，三國魏宛人。語林謂其美豐儀而絕白。

③鏡

也。

④世傳鍾馗辟鬼事，見天中記引唐逸史。

⑤雅言雜載云，呂仙翁名嵩，字洞賓，本關右人。咸通

初，舉進士不第，巢賊爲梗，攜家隱於終南山。

⑥宋玉，戰國楚人，屈原弟子，爲楚大夫。

⑦兩句皆元

方言，意謂設法去勉強，趁早不要想。

汪元亨

汪元亨，號雲林。官學士。有雲林清賞，小隱餘音。我說是曲中的陶潛。他的小隱餘音，差不多都是歸田的小令。

醉太平

警世

辭龍樓鳳闕。納象簡。烏靴。棟梁材。取次。盡摧折。况竹頭木屑。結知心朋友。着疼熱。遇忘懷。詩酒追歡悅。見傷情光景。放癡呆。老先生醉也。

憎蒼蠅競血。惡黑蟻爭穴。急流中勇退。是豪傑。不因循苟且。歎烏衣。一旦非王謝。

怕青山兩岸分吳越。厭紅塵萬丈混龍蛇。老先生去也。

家私上欠缺。命運裏周折。桑間飯。誰肯濟靈輒。安樂窩。養拙。但新詞雅曲。閑編

捏。且粗衣淡飯權搨拽。這虛名薄利不干涉。老先生過也。

①牙笏。

②取次猶言次第。

③江左閥閱之家，惟王謝二氏。王謝卽世家之代名詞也。

④靈輒，春

秋晉人。趙宣子嘗濟其餓，後爲靈公甲士，救宣子於難。

沉醉東風

歸田

任平地風波浪滾。咨中原鹿走蛇吞。勾升白酒醇迭斤兩黃鷄嫩。甘分住水郭山村。千古興亡費討論。總一段漁樵話本。

二十載江湖落魄。三千程途路奔波。虎狼叢辨是非風波海分人我。到如今做啞粧。⑤着意來尋安樂窩。擺脫了名韁利鎖。

①粧粧，猶言自甘於短，俗所謂願做矮子。

折桂令

歸隱二首

想英雄四海爲家。楚尾吳頭，海角天涯。歎釜裏游魚，羨林中歸鳥，厭井底鳴蛙。昨日秦，今日漢，翻騰不假。東家田，西家地，改換無差。塵事如麻。吾豈匏瓜。○辭去張良，諫退蜚龍。

費十年燈火窗前。將鉛槧書殘，鐵硯磨穿。動靜由人，窮通由命，生死由天。安吾今隨方就圓。任他乖，越後攙先。舜禹心傳。孔孟遺編。多藝多才，無黨無偏。

○「吾豈匏瓜也哉」見論語。

朝天子

歸隱二首

新詩吟興濃。香醪量好洪。花插烏紗重。百年世事苦多多。莫把眉頭縱。鷗鷺新盟。雲山清興。遠紅塵俗事冗。假石崇、①運通。使范丹、②命窮。總一枕南柯夢。

長歌咏楚辭。細賡和杜詩。閑臨寫義之、③字。亂雲堆裏結茅茨。無居朝市。珠履三千金釵十二朝。承恩暮賜死。採商山、④紫芝。理桐江、⑤釣絲畢罷了。⑥功名事。

①石崇，晉時人。爲當時豪富。②范丹，後漢外黃人。當時閭里歌曰：「甌中生塵范史雲。」史雲，是丹

字。卒諡貞節。

③王右軍書，今稱王字。

④謂四皓。

⑤指嚴子陵。

⑥猶言勾消了。

湯式

湯式，字舜民，號菊莊。四明人。是明初十六家之一。有筆花集。

雙調折桂令

冷清清人在西廂。叫一聲張郎，罵一聲張郎。亂紛紛花落東牆。問一會紅娘，一會紅娘。枕兒餘，衾兒剩，溫一半繡床。閒一半繡床。月兒斜，風兒細，開一扇紗窗。掩一扇紗窗。蕩悠悠，夢繞高唐。縈一寸柔腸，斷一寸柔腸。①

①此類謂之「重句體」，亦巧俳體之一。

商調望遠行

杏花風習習暖透窗紗。眼巴巴顛望他。不覺的月兒明，鐘兒敲，敲兒擗。梅香，你與

我點上銀臺蠟。將枕被鋪排下。他若是來時節。那一會坐衙。玉纖手忙將這俏冤家耳朵兒招。喏。實實的那里行踏。○喬才。○你須索吐一句兒真實話。

○行踏，經過也。○喬才，謂裝腔的人。

中呂山坡羊

書懷示友人

田園荒廢。箕裘陵替。桃源有路難尋覓。典鶉衣。○舉螺盃。醅醕醉了。兀圖睡。啼鳥一聲驚覺起。悲也未知。喜也未知。驅馳何甚。乖離忒恁。風波猶自連頭浸。自沈吟。莫追尋。田文。○近日多門禁。炎涼本來一寸心。親也自慙。疎也自慙。

○鶉衣百結，窮人所服。

○田文，孟嘗君也。

雙調新水令 送王姬往錢塘

十年無夢到京師。臥書窗坦然如是。幾償沽淚債。不惜買花資。今日個折柳題詩。又感起少年事。

〔駐馬聽〕槁木容姿。對花月羞斟鸚鵡卮。浮雲神思。扭宮商強作鷓鴣詞。我道是碧梧棲老鳳凰枝。○他道是雕龍鎖定鴛鴦翅。急煎煎撚斷吟髭。只被你紫雲娘倏落殺。○白衣士。○

〔沉醉東風〕講禮教、虛心兒拜辭。說艱難、滿口兒嗟咨。蛾眉淺淡顰花鬢、啼紅漬。向尊前留下個相思。我本是當年杜牧之。休猜做蘇州刺史。○

〔慶東原〕雨歇陽關至。草生南浦時。好山一路供吟視。沈點點鶯花檐兒。穩拍拍鳩籐橋兒。矻刺刺鹿頂車兒。○^⑤過若耶溪。趕上錢塘市。

〔離亭宴帶歇指煞〕我不向風流選內求咨示。誰承望別離卷上題名字。關心爲

此閒了問花媒。荒了尋芳友。罷了追香使。春殘小洞天。門掩閑栲肆。不是我愁紅怨紫。一紙姓名留。五字簫聲去。兩地音書至。明牽雙漸。情暗隱江淹。志你從頭鑿。搜錦字。九迴腸。掃雲烟。半張紙。

〔哪吒令〕怕見他盤江河。毒瘴愁烟。關索嶺。冰梯雪巘。峯繚塞苗川。千尋井下坡難。萬丈梯登山倦。硬黃泥污盡舊青衫。

〔鵲踏枝〕一封書意懸。萬里路恨綿綿。誰信道東下昆池。又勝如西出陽關。但得他平安兩字。休問他何日歸年。

〔寄生草〕空彈劍。頻倚闌。比潮陽。山水多鄉縣。比江州。月夜無絃管。比夜郎。春夏饒風霰。今日箇聞雞曉度碧雞關。怎記得鳴鑾晚直金鑾殿。

〔么篇〕難縮壺中地。休尋屏上船。五花臺望望愁心遠。雙汧河渺渺渡濤限。七星關疊疊雲嵐嵌。琵琶亭。下淚偏多。鷓鴣嶺畔腸先斷。

〔金盞兒〕風兒酸。雨兒寒。雨霽風清擡望眼。見西樓明月幾回圓。辭家衣線綻。去

國履痕穿。只道是愁來傾竹葉。不信說未盡折花鈿。

〔賺尾〕且聽滄浪吟。休誦卜居篇。愛碧山石橙紅泉。策杖行歌興渺然。醒來時對陶令無弦。醉來時學蘇晉。逃禪不似那憔悴騷人澤畔。任蒼狗白衣屢變。笑蛙聲紫色爭妍。浮名與我無牽絆。再休尋無事散神仙。

①用杜詩成句。

②倭落殺，猶言取笑。

③白衣士，謂秀才。

④韋應物嘗爲蘇州刺史。

⑤楚，讀若

折。一足行曰楚。

⑥枸肆，卽勾闌。

⑦雙漸，男子名。元曲故事，有蘇卿趕雙漸。

⑧江淹，字文通，梁考

城人。

⑨卽廣西黔江之上游，古牂牁水。

⑩在貴州鎮寧縣西。

⑪韓愈貶往潮陽，在今廣東省。

⑫白居易貶往江州，在今江西省。

⑬李白流往夜郎，在今貴州石阡縣城西南。

⑭在潯陽江上。

⑮見楚辭。

⑯蘇晉，唐蘇珣子，作八卦論。

陳鐸

陳鐸，字大聲，別號七一居士。有秋碧樂府，梨雲寄傲。呂勤之曲品云：「陳秋碧南音嘹唳。」他兼有南北曲之長，其先下邳人，後來遂爲金陵人。

雙調水仙子

中秋

尋常三五一般圓。此夜清光分外妍。白頭又見嫦娥面。是今生緣不淺。月徘徊、人正無眠。滿滿的金盃勸。徐徐的涼影轉。要相逢又是明年。初離海角水晶丸。乍到天心白玉盤。嫦娥欲與幽人伴。去遲遲來款款。喜今宵人月團圓。分大地秋一半。可中庭。光占滿。廣寒宮。是有多寬。

○可中庭，在蘇州虎邱。

○廣寒宮，謂月中之廣寒清虛之府。見龍城錄。

中呂駐馬聽

風情問答

一首新詩。寄與梨園女教師。不著疼熱。暗使機關。枉費言詞。大拚告到海神祠。○
海神難管恩情事。仔細尋思。王魁與我不相似。

滿腹才學。風月場中用不著。人來客往。暮送朝迎。米長柴高。聰明子弟莫閒嘲。常
言難使無錢俏。錦繡窩巢。李郎不到張郎到。

○海神祠，卽祆祠。王魁與焦桂英情誓處。

商調嬌鶯兒

春寒成陣。繡衾誰與溫。枉自換爐薰。可恨東風連夜則管通花信。夜長風力緊。教
人眠不穩。我這裏顧影徘徊。又被這一簾花霧遮的個月兒昏。

小梁州

詠閨情

碧紗窗外月兒高。秋到芭蕉。和衣剛得眼合着。誰驚覺。花底一聲簫。(么)吹來總是相思調。把閑愁喚上眉梢。展轉聽、傷懷抱。粉香花貌。一夜爲君消。

碧紗窗外月兒孤。兩兩啼烏。枕寒衾剩夜何如。愁難度。風露下高梧。(么)秋聲苦把人欺負。但合眼好夢全無。整翠鬟、開朱戶。瑤階徐步。惟賴影兒扶。

碧紗窗外月兒陰。香霧沉沉。一尊花底少知音。時時恁。幽恨苦相侵。(么)翠幃錦帳難拘禁。戰兢兢。一點春心枕與衾。淒涼甚。兩般兒、爲您相守到如今。

又

漁家

白鷗機上一漁竿。綠水青山。秋風輕捲釣絲還。黃蘆岸。細雨短蓑寒。紅塵半點無羈絆。山妻稚子相看。那董卓①權韓侯②患。利應公案。欸乃③一聲寬。

①恁，這樣也。

②董卓專權事，見三國志。

③韓侯，卽韓信。

④欸乃，棹船相應聲。一作襖靄。

朝天子

漁家

趁蘆花晚潮。泊垂楊野橋。自一種江湖樂。風風雨雨小窩巢。無半點紅塵到。蓬底狂歌。槎頭閒釣。對青山常醉倒。足不踏市朝。身厭掛紫袍。誰及俺漁家傲。自逃名放形。慣赤脚露頂。怕是徵書聘。閒來一曲總昇平。再無甚別歌詠。山寺鐘餘江豚風靜。擁蘆花方睡醒。是非又不聽。利名又不爭。誰及俺心腸硬。

清江引

秋夜

花底轆轤。○簷外鐵。畫閣清秋夜。窗吟楊柳風。簾捲梧桐月。怕的是酒闌人散也。

○轆轤，汲水之器。以軸置於木架之上，一端懸重物，一端貫長轂，上懸汲水之斗，並有曲木，用手轉之，引取汲器，以省力也。

北河西六娘子

閨情

海棠陰輕閃過鳳頭釵。沒人處款款行來。好風兒不住的吹羅帶。猜也麼猜。待說口難開。待動手難擡。淚點兒和衣暗暗的揩。

柳絲柔輕颭石榴裙。靜孱孱門掩黃昏。倩霜毫寫一紙平安信。嗔也麼嗔。負了我的恩。瞞了那箇人。淚點兒和書暗暗的溼。○

碧紗廚低映月兒明。我這裏好夢將成。隔窗兒誰還送過相思令。聽也麼聽。分明的

兩地情。番成一樣聲。淚點兒和愁暗暗的傾。

繡屏閑空負却舞腰纖。這幾時恨壓眉尖。怕人知鬼病兒成積漸。○懨也麼懨。心兒久粘黏。意兒苦拘鉗。○淚點兒如絲暗暗的添。

○涇，濕透也。

○積漸，漸漸聚積而成之謂。

○猶言拘束。

北胡十八

風情嘲戲

橫着心一蜜裏。○猜對着面百般家怪。封着口不容開。終朝有日得明白。暗使着小乖。○明粧着老呆。捨着箇好的丟留着箇歹的在。

○一蜜裏，俗稱攢頭覓縫之意。○使小乖，巧計弄人也。

北一半兒

閨情

飄零江上採蓮舟。冷落天涯燕子樓。①老却春風杜若洲。②爲誰留。一半兒因花
一半兒酒。

①燕子樓。在徐州，關盼盼所居。

②杜若洲，楚辭云：採芳洲兮杜若。

金鑾

金鑾，字在衡，號白嶼。其先是隴西人，後來亦家於金陵。曲品評他的曲云：「金白嶼響振江南。」
有蕭爽齋樂府。

北仙呂點絳脣

送汪小村歸廣陵

四海高情。五湖佳興。詩中景。都收入半卷丹青。落魄煞、拍手歌隨心令。①

①隨心令，卽隨口曲子自來腔之謂。

混江龍

他可也樂天知命。不通姓字不言名。漁樵故侶。鷗鷺閑盟。歡樂較多愁較少。道情

爲重利爲輕。身不離棋枰藥裏。口常談酒頌茶經。○滿面兒春風和氣。一腔兒秋水澄清。

○劉伶有酒德頌。茶經相傳爲陸羽作。

天下樂

落得個半世青袍白髮生。想着他前程水上萍。暢好是哭窮途阮步兵。○纔看破
眼角兒怕待睜。慣轉動脚跟兒怕待行。剛溫熱心腸兒怕待冷。

○晉阮籍，字嗣宗，官步兵校尉。

那吒令

想着他與風雲狀形。筆精于右丞。○托江山寄情詩。工于少陵。○今日個困林泉
此生。氣平于禰衡。○甘守着原憲。貧。枉耽了相如。○病。常自惺惺。

人。
①謂王維。
②謂杜甫。
③禰衡，字正平，漢末時人。
④原憲，孔子弟子。
⑤司馬相如，字長卿，漢時

鵲踏枝

愛你個老先生最多情。不忘了十載交遊。又無甚千里途程。駕着個苕溪小艇。緊
彎住曲水閑亭。

寄生草

只把你爲平仲。①休猜咱是管寧。②我和你五侯七貴曾相並。幾番家九衢六市
閑相競。看了些千紅萬紫爭相勝。還只待新籜一醉洞庭春。誰承望故人三疊陽
關令。

①周晏嬰，字平仲。

②管寧，字幼安，漢處士。

么篇

漸漸的秋容改。看看的暮景生。我只見半天殘照風帆正。數聲短笛漁舟橫。霎時
間一江涼月蘆花暝。明朝騎鶴上揚州。何時載酒來陶徑。

六么序

聽落葉千林響。正潮回兩岸平。最相關此際離情。你可甚門掩孤檠。漏下三更。尙
猶自擁寒衾。夢繞金陵。我這里愁心况復逢衰病。怎禁他一片秋聲。芙蓉未老霜
華冷。驀忽地涼颼漸起。殘月猶明。

賺煞尾

還將來歲盟。重與今宵訂。須記得江南風景。切莫教霜寒鴈影。等閑間花老鶯聲。

錦層層。只恁般水秀山明。依舊五孫芳草青。遮莫你樓書着摘星。橋題着廣陵。○
爭如俺莫愁湖畔石頭城。○

○廣陵，卽揚州。

○湖城皆在金陵，卽今南京。

南黃鶯兒

咏燕

花落燕飛來。棄高梁過小齋。當時故主今還在。門兒半開。簾兒半擡。聲聲只向茅檐外。莫疑猜。綠楊滿院。○還是去年栽。

○滿院，四詞宗刻本作庭院。

南一封書

閑適

青溪畔、小堂。四壁雖空書滿床。碧岩下、小窗。半世雖貧酒滿缸。好山有意常當戶。明月多情遠過牆。伴詩狂。與酒狂。睡向西風枕簟香。

青溪畔、小園。任荒蕪種幾年。黃庭畔、小牋。任生疎寫半篇。分來紅藥春前好。摘去青葵雨後鮮。又不癩。①又不仙。拾得榆錢。②當酒錢。

①癩，同顛。②榆樹之葉作錢狀，故名榆錢。

北水仙子

廣陵夜泊

城邊燈火幾家樓。江上風波一葉舟。月中簫鼓三更後。聽誰家猶喚酒。正烟月二月揚州。人已去、錦窗鴛鴦。①物猶存、青蒲細柳。怨難平、舞態歌喉。

①鴦，見前注。

北醉太平

漫興

深深的草萊。小小的亭臺。多山多水少塵埃。任流光過客。好人兒留得百年在。好酒兒落得千家賣。好花兒常得四時開。大家來合采。①

①合采，即共同喝采之意。

馮惟敏

馮惟敏，字海浮，臨朐人。曲品評他的曲云：「馮侍御綺筆鮮妍。」有海浮山堂詞稿。他是一個多量而且重要的作家。

朝天子

將歸得舍弟書二首

去春啊、你回。今春啊、俺歸。正與春風會。青山綠水有光輝。喜的幽人至。賢主佳賓。吾兄我弟。笑談多情意美。你回也不遲。我歸也不疾。遲和早都得計。你去年入山。俺今年棄官。同氣[⊖]長爲伴。浮名不到水雲間。從此無羈絆。日日相過。時時廝見。省傳書千里遠。看時文幾篇。和新詩幾聯。課子姪親筆硯。

又

自遣

海翁命窮。百不會千無用。知書識字總成空。浮世乾利閔。笑俺奔波。從他搬弄。您乖猾俺懵懂。就中不同。誰認的鷄和鳳。

①疾忙也。②兄弟有同氣連枝之誼。③猶言糊塗。

醉太平

家訓四首

勸哥哥學好。休捨命貪饕。聰明伶俐莫心高。只隨緣便了。抹了臉遮不盡傍人笑。腫了手拿不盡他人鈔。放倒身喫不盡小人敲。急回頭自保。勸哥哥自想。要仔細商量。須知覺短不能長。再休提勉強。別人肉帖不在腮頰上。

愛便宜見放着傍州樣。怕年年醫不得眼前瘡。悔當時戳莽。

勸哥哥休歹。把兩眼睜開。一還一報一齊來。見○如今天矮。人人心地藏毒害。家事業多成敗。時時局面有興衰。到頭來怎解。

勸哥哥休狠。學性格溫存。得饒人處且饒人。退步行最穩。循天理處安吾分。占便宜處甘吾笨。咬牙切齒反吾身。狠讀書爲本。

○戳莽，卽鹵莽意。

○見，同現。

折桂令

病憶山中

數年間投老山村。閑也宜人。忙也宜人。近新來○誤人城闌。行也勞神。坐也勞神。從今後再休想出山探親。準備下一衲頭懶處安身。隔斷紅塵。占斷白雲。高插荆籬。緊閉柴門。

○近新來與見如今，皆重疊文字，曲中襯字此例甚多。

醉太平

李中麓○醉歸堂夜話

二十年不足。三百里有餘。偶然又到子雲○居。下山來有主。文章不數三都賦。○忠誠不忘千秋錄。精通不但五車書。老先生自許。

喜完名全節。不降志隨邪。中年畫錦儘驕奢。看玩童戲者。高勳一點雲明滅。高官一朵花開謝。高歌一片日橫斜。老先生笑也。

○李中麓，名開先，山東人，亦當時大曲家，與王九思齊名。

○子雲，揚雄字。

○三都賦，左思作。

殿前歡

歸興

馮惟敏

想歸來。十年奔走困塵埃。何如散步雲林外。笑傲談諧。窮通命運該。山水平生愛。詩酒尋常債。情懷浩蕩。浩蕩情懷。

南呂一枝花

對驢彈琴

知音自古稀。感物非容易。名琴偏愛撫。大耳不曾習。思憶顏回。怎入驢肝肺。難通草肚皮。俺這里勾打吟猱。他那里前後踢。

〔梁州〕他支蒙着兩耳朵長勾一尺。俺磨弄着七條絃彈了三回。只見他仰天大叫。喬聲氣。謊的宮商錯亂。聒的音律差池。忽的難調玉軫。兀的怎按金徽。張果老。赴不的瑤池佳會。孟浩然。顧不的踏雪尋梅。他也懂不的崔鶯鶯。待月眠遲。他也省不的卓文君。飛鳳求匹。他也曉不的牧犢子。晚景無妻。看伊所爲。秋風灌耳空淘氣。不知音不達意。這的是世間能走不能飛。草券一張皮。

〔尾〕看了他粗愚癡蠢村沙勢。似不的禾黍秋風聽馬嘶。怎怪他不解其中無限意。不遇着子期。誰知道品題。俺索把三尺絲桐收拾起。④

①顏淵，孔子高弟。

②四字皆彈琴術語。

③玉軫金徽，琴身絲絃之稱。

④八仙之一。

⑤浩然，襄

陽人，唐代大詩家。

⑥見西廂記。

⑦卓文君夜奔司馬相如事。

⑧此套寓懷才不遇之意。

黃鐘醉花陰

仰高亭中自壽

平生酷愛山水間，齊南有別墅二，皆名勝之區。每去城市，恒居其中。暨薄遊四方，亦得佳山水處，涑水抱西山之秀，京口擅金焦之美。出處之間，不可謂不遇也。草亭初成，欣然命酌。日精月華，金焦北固，諸峯羅列几席。自謂賢於食前方丈，遠矣。遂歌黃鐘之歌，邀名山以自壽。

細雨輕風淡烟裊。又一帶山圍水繞。搬日月，滾江濤。地闊天高，越顯的幽亭小。超

北固跨金焦。○便做道閬苑蓬萊也。只是山水好。

〔喜遷鶯〕正值看清秋天道。數重陽屈指非遙。登高咫尺內青山翠鳥。見放著日月精華龍虎朝。轉頭來遊玩了。一壁廂丹山起鳳。一壁廂赤水騰蛟。

〔出隊子〕這的是幽居堪樂。冷齋邊山可樵。新苦小巧草團標。○旋壘高低流水橋。消遣時光花共鳥。

〔刮地風〕把多少韶華攔斷了。俺只待撫景逍遙。想人生也有個千年調。怎做的方朔偷桃。○笑神仙計拙心勞。是掏摸犯法違條。總不如守清真不染分毫。傲乾坤長壽考。行動處水米無交。爲甚麼懶參禪。慵學道。只是老先生頓悟高。

〔回門子〕小亭中說不盡其中妙。喜的是氣韻清風致好。黃菊兒開紅葉兒嬌。衝○一味天香桂子飄。酒盞兒擎。詩句兒敲。獨自個稱觴煩禱。

〔古水仙子〕當當當雲板敲。是是是空外仙音奏九韶。謝謝天地三光。○請請請文房四寶。○來來來緊隨身齧齧交。看看看掃雲烟。展紙揮毫。勸勸勸楮先生

滿席都醉飽，慶慶慶遇良辰。四友齊歡樂，年年常伴着老風騷。
〔尾聲〕仰高亭，無一點紅塵到。也不惹酒聖詩豪。只俺這筆硯琴書，一壁廂申舊好。

①北固，金焦三山，皆在鎮江。

②茅庵也。

③東方朔偷桃事，楊潮觀吟風閣曾誤入劇中，名偷桃捉

住東方朔。

④衝，猶言添。

⑤日月星，爲三光。

⑥紙，墨，筆，硯，爲四寶。

康海

康海，字德涵，號對山，武功人。以狀元及第。曲品云：「康翰林絕技於莊。」有汧東樂府。關中曲家很多，大都以康爲前驅。

塞鴻秋

田家

行藏數尺黃花往。生涯幾樹甜仁杏。○勳庸一首滄浪詠。風流半曲天仙令。○豐
歉總由天。苦樂誰非命。蠅頭微利何須掙。

○甜仁杏，卽杏仁。苦中樂之意。○卽天仙子，曲調名。

沉醉東風

答客

國史院咱曾視草。姦和正不必提着。文書上恁樣來。條款裏借般。造畫葫蘆難減分毫。但把丹心自繫牢。管甚麼零煎細炒。

○借般，如此這般。

○猶言磨折。

水仙子

再得直卿書作

秋風又遍故人書。讀了重增萬歎吁。平生氣魄人人懼。論文章我怎如。竄蠻夷誰訴公車。滇水相思處。空堂獨坐餘。淚雨如珠。

酌酒

論疎狂端的是我疎狂。論智量還誰如我智量。細尋思往事皆虛誑。險些兒落後我醉春風五柳莊。漢日英雄。唐時豪傑。問他每今在何方。好的歹的一箇箇盡。

攬入漁歌樵唱。強的弱的亂紛紛都埋在西郊北邙。①歌的舞的受用者休負了水色山光。

①竄，避也。

②陶淵明門前種五柳，故名五柳莊。

③北邙山在洛陽墳塚纍纍，蓋葬處也。

清江引

酒酣作

濟西主人非是懶。世事都經慣。十年紫鳳城。①一夢黃梁飯。②快抽頭閉門還是晚。

濟西主人新夢醒。試語黃花聽。前年虎背遊。今日泉頭詠。何處費心何處省。

①卽京城。

②見枕中記。

雁兒落帶過得勝令

懷敬夫①

二十年老將壇。幾百載興亡歎。途窮笑阮郎。①避盜悲王粲。②名利故來難。長鋏
④豈須彈。一曲梁州序。⑤千秋紫閣山。金丹半碗胡麻飯。⑥雕鞍。何時載汝還。
①王九思，字敬夫。見後注。②阮籍有途窮之歎。③仲宣登樓，見前注。④馮驩彈鋏而歌曰：長鋏
歸來乎。鋏，劍也。楚辭：帶長鋏之陸離兮。⑤曲調名。⑥劉阮入天山餐胡麻飯。

王九思

王九思，字敬夫，號漢陂。曲品云：「王漢陂秦韻鏗鏘，關中曲家，康王齊名。有碧山樂府。明人有汧東碧山二太史樂府聯璧本。」

水仙子二首

紫泥封。①不要談文章。白糯米偏宜小肚腸。碧山翁有甚高名望。也只是樂昇平不妄想。聽濯纓一曲滄浪。②瞻北闕心還壯。對南山興轉狂。地久天長。

一拳打脫鳳凰籠。兩脚踏開虎豹叢。單身撞出麒麟洞。望東華人亂擁。紫羅欄老盡英雄。參詳破邯鄲一夢。歎息殺商山四翁。③思量起華嶽之峯。

① 誥命之封，多用紫色。

② 滄浪詠：「滄浪之水清兮，可以濯我纓。滄浪之水濁兮，可以濯我足。」

③ 東園公，綺里季，夏黃公，用里先生，稱商山四皓。

雙調新水令 歸興

憶秋風遣客走天涯。喜歸來碧山亭下。水田十數畝。茅屋兩三家。暮雨朝霞。粧點出輞川畫。○暗想東華。○五夜清霜寒控馬。尋思別駕。一天殘月曉排衙。路危堂與虎狼狎。命乖卻被兒童罵。到如今誰管咱。葫蘆○提一任閒頑耍。

〔沈醉東風〕有時節露赤腳山巔水涯。有時節科白頭柳堰桃峽。戴甚麼折角巾。結甚麼狂生襪。得清閒不說榮華。提起封侯幾萬家。把一個薄福的先生笑殺。

〔折桂令〕問先生有甚生涯。賞月登樓。遇酒簪花。皓齒朱唇。輕歌妙舞。越女秦娃。不索問高車駟馬。也休提白雪黃芽。春雨桑麻。秋水魚蝦。痛飲是前程。爛醉是生涯。

〔雁兒落〕再休提玄都觀裏花。○再休說個丹鳳樓前話。賣不着青錢萬選才。掙不上黃閣三公大。

〔得勝令〕不追隨絲鬢閣烏紗。不思量個紫殿草白麻。也不飲七寶紅玉罌。也不騎千金赤兔馬。素指按琵琶。把一箇碧荷筒忙吸罷。翠袖舞烟霞。把一領絳羅袍典當咱。

〔沽美酒〕我則見蜜蜂兒鬧午衙。粉蝶兒戀春花。蝶使蜂媒勞攘殺。且粧聾做啞。不煩惱不驚怕。

〔太平令〕愛的是碧莎長夜雨鳴蛙。綠槐商曉月啼鴉。風吹綻芭蕉兩叉。露滴溼薔薇一架。呀。傍青門種瓜。⑤學玉川煮茶。⑥買這等光陰無價。

〔離亭宴帶歇煞〕想着那人間富貴同飄瓦。眼前歲月如奔馬。不是俺無端自誇。脫離了虎狼關。結識上鷗鷺伴。塗抹殺麒麟畫。登山不索錢。有地堪學稼。悶了時書樓中戲耍。吟幾首少陵詩。寫兩箇羲之字。講一會君平卦。⑦羊裘冒雪穿。驢背尋春跨。醉了時齁齁的睡了咱。着我這沒是非一枕夢兒甜。索強似爭名利千般意兒假。

①王維居輞川之上。此卽指維畫而言。

②東華，北闕，皆謂朝廷。

③見前注。

④劉禹錫有玄都觀

看花詩，蓋譏朝中新進也。

⑤邵平事。

⑥盧仝有茶癖。

⑦蜀人嚴君平善卜。

楊廷和

楊廷和，字介夫，新都人。成化進士。正德間官至太子太師，華蓋殿大學士。以議大禮，削職，卒年七十一。謚文忠，有樂府餘音。

殿前歡

閱耕亭寫懷

閱耕亭。一溪流水兩池平。愛蓮不減濂溪興。○花豔輕盈。滄浪可濯纓。野唱宜閒聽。漁笛還相應。詩情逗我。我逗詩情。

○周敦頤有愛蓮說。

醉太平

關西道中

望長安①在東。又西來武功。②勞勞一枕紅塵夢。願先生保重。四圍山色相迎送。三春花柳長陪奉。若無詩句謝天工。笑先生朦朧。

過長亭短亭。覺困困騰騰。青山杳杳水泠泠。問吏人不省。烟村遠遠多孤另。輿夫莽莽偏生硬。前呵見見欠分明。教詩人敗興。

二十日入益門鎮

進陳倉③益門。登棧閣連雲。家鄉望着看看近。覺日近日親。烟峯隱隱排衙陣。松濤細細吹笙韻。游絲冉冉落花塵。爲行人解困。

①長安，漢惠帝時築，一名斗城，在今陝西長安縣西北。②武功，縣名。漢始置縣，在今陝西郿縣。後漢

改盩厔爲武功，移治之，即今縣。③陳倉，縣名。秦文公築，在今陝西寶雞縣東。

朝天子

戲筆

做詩。做詞。人道我閒淘氣。消閒只用這些兒。此外別無事。靜裏乾坤淡中滋味。想當初年少時。醉裏夢裏。費盡了千般力。

四塊玉

雨中有懷

雨不絕。天還熱。酒債詩逋且寬些。花香樹色都忘也。坐也呆睡也。呆心似鐵。萬卷中千年事。上疏非關北山移。○到家不買東山妓。南北詞長短句都是詩。

○孔稚圭有北山移文。

天靜沙

述懷

不貪一品三公。歸來獨撫孤松。客至不勞迎送。行處不須騶從。○散人○林下家風。

○僕侍也。○散人，蕭閒散澹之人也。散，上聲。

清江引

竹亭漫興

三間小亭千箇竹。萬斛清風貯。歸雲宿短簷。倦鳥投深樹。詩成自歌還自舞。山間有誰閑似我。盡日虛亭坐。纔看語燕來。又聽流鶯過。詩興逼人無處躲。城西小園剛半畝。不種閒花柳。多栽莧與藜。更有葱和韭。菜根咬來滋味厚。風懷老來猶未舍。日日閒陶寫。吟多意有餘。病減詩仍拙。苦不如少陵。○秋興也。朝朝起來天未曉。多是鴉初叫。尋思田野間。分付家僮道。誰去下秧誰刈草。

○杜甫有秋興詩八首。

寧羌^① 阻雨

〔一枝花〕泰山遠皺眉。蜀道頻回首。客程三日雨。行李暫時休。怕聽鳴鳩。電閃閃如蛟戰。雲飛飛似象走。沒斟酌的龍師放手。沒光彩的日姊藏頭。

〔梁州〕沒張主的風伯難收救。猛^②可里銀河水溜。霎時間平地川流。黑宰律^③千山變色。速里刺萬籟鳴秋。一箇家公差的郵亭內冷冷清清。一箇家^④種田的田塍上饒饒皴皴。一箇家經商的客店裏唧唧啾啾。雨呵。我道你好休便休。人世上煩惱須將就。似這等惹熬煎沒生受。誰曾道秋雨貴如油。雨也。我道你好沒來由。

〔尾〕且不道高樹上飢鳥、難旋繞難棲息。你只看深箒裏猛虎、咆哮也自愁。况又是草木蕭騷暮秋後。覺不得箇作賦友。算不得那送酒籌。只怨着暮雨朝雲閒調口。

詞。
④家，語助。一作價。

①寧羌，今縣名。唐三泉縣，明改寧羌州，屬陝西漢中府。

②猶言忽的。

③黑窣律，卽黑森森的狀動

楊慎

楊慎，字用修，號升庵，廷和之子。明代最博學的一個。曲品評他的曲道：「楊狀元美才甘放。」有陶情樂府。

慶宣和

窮巷閉門有雀羅。問是誰過。酒聖多情約詩魔。伴我。伴我。

落梅風

思鄉淚遠戍人夜。更長砌成幽恨。四年餘，瘴。海愁春。夢兒中，上林。花信。

烹蠶豆煮馬魚。扶困起西園南浦。倩長陶。長歌慰謫居。把朱顏酒中留住。

①瘴者，山川濕熱蒸鬱之氣，人中之輒病。

②上林，苑名。秦舊苑，漢武帝更增廣之。

③俗名馬肝魚。

④南浦，水名，在今湖北武昌縣南二里。

⑤陶，樂也。禮云：人喜則斯陶，陶斯詠。

駐馬聽

和王舜卿舟行之詠

明月中天照見長江萬里船。月光如水江水無波色與天連。垂楊兩岸淨無煙。沙禽幾處驚相喚。絲纜停牽。乘風直上銀河畔。

羅江怨

青山隱隱遮行人去也。羊腸鳥道幾回折。雁聲不到馬蹄又怯。惱人正是寒冬節。長空孤鳥滅。平蕪遠樹接。倚樓偃得欄干熱。

黃鶯兒

客枕恨鄰鷄。未明時又早啼。驚人好夢三千里。星河影低。雲烟望迷。鷄聲纔罷鴉聲起。冷淒淒。高樓獨倚。月掛天西。

朝天子

恨思

瞞昧着母親。提防着外人。把一箇肯字兒將咱釁。○常記得酒闌人散那時分。誰先肯。誰先順。三般話兒說來最准。到如今難親近。須記得舌尖上唾津。手背上招痕。靴臉。○上鞋兒印。

○挑動也。

○卽靴面上。

黃氏

黃氏，尚書黃珂女。遂寧人。楊慎妻。遂寧縣志說她很明大義，曾往雲南收慎骨。有楊夫人樂府，相傳是徐文長手訂本。

罵玉郎帶過感皇恩採茶歌

一箇摘薔薇刺挽金釵落。一箇拾翠羽。一箇撚鮫綃。一箇畫屏側畔身斜靠。一箇竹影遮。一箇柳色潛。一箇槐陰罩。一箇綠寫芭蕉。一箇紅摘櫻桃。一箇背湖山。一箇臨盆沼。一箇步亭皋。一箇管吹鳳簫。一箇絃撫鸞膠。一箇倚闌凭。一箇登樓眺。一箇隔簾瞧。一箇愁眉霧鎖。一箇醉臉霞嬌。一箇映水勻紅粉。一箇偎花整翠翹。

○一箇弄青梅攀折短牆梢。一箇蹴起秋千出林杪。一箇折回羅袖把做扇兒搖。

○翠翹，婦人首飾。翡翠鳥尾上毛曰翹，見山堂肆考。

紅繡鞋

實指望花甜蜜就。誰承望雨散雲收。因他俊俏我風流。鼻凹兒裏砂糖水。心窩兒裏酥合油。①餬②不着、空把人拖逗。③

你不慣誰曾慣。人可瞞天可瞞。夢見槐花要綠襖兒穿。嘴孤都④看一看。滑卽溜⑤難上難。你無緣休把人來怨。

- ①言心中癢也。 ②餬，以舌試之。 ③拖逗，因循也。 ④都嘴貌。 ⑤卽溜，滑貌。

落梅風

樓頭下風味佳。峭寒生、雨初風乍。知不知對春思念他。背立在海棠花下。春寒峭春夢多。夢兒中、和他兩箇。醒來時空牀冷被窩。不見你、空留下我。

施紹莘

施紹莘，字子野，華亭人。有秋水庵花影集。他與陳眉公相熟，住佘山之下。其曲流傳最廣，晚明的曲家，沒有一個可以和他相媲美的。

雙調清江引

詠荷

水仙可憐潮嫩臉。姊妹偷攜伴。牽絲意緒多。落瓣衣裳換。晚粧出來全帶軟。
仙妃化身生小苑。未了塵凡願。探頭欲語誰。障葉還羞面。橫塘○夜涼郎信遠。

○橫塘，在吳縣西南十里，南極蠶塘，北抵楓橋，故名橫塘。

中呂駐雲飛

丟開

索性丟開。再不將他記上懷。怕有神明在。嗔。我心腸歹。歎。那里有神來。丟開何害。只看他們拋我如塵芥。畢竟神明欠明白。

春恨效青門體

風捲楊花。點點飛來蘸綠紗。衣帶鬆來怕。得似前春嗎。嗒。淚眼問東風。沒些回話。教著鸚哥。也把東君罵。一半嗔他一半耍。

閨恨

短命冤家。道是思他又恨他。甜話將人掛。謊到天來大。嗒。到是不歸來。索須干罷。若是歸來。休道尋常罵。須扯定冤家下寔打。

①嗔，音瞋，怒也。

②沈仕，字青門，有唾窗絨。多閨情之作，此首效之。

③卽罷休之意。

雙調清江引

別思

恩情不教人當耍。這幾日何爲者。情知有歸去時。却現怕分離夜。且含着淚花兒。
①把相思句兒胡亂寫。

①淚婆婆似花也。

商調山坡羊

旅懷

意惺惺怕分離的相送。虛飄飄要相逢的癡夢。急煎煎算不定的歸期。淚斑斑看
不得的衣衫縫。怯曉鐘。更教人惱暮鐘。燈光暗卜却被燈花哄。歡喜誰同。淒涼誰
共。朦朦。拾相思在雲樹中。匆匆。記相思在詩句中。

雙調玉抱肚

夜泊懷人

逢歡不喜。要消愁。翻嫌酒卮。妙人兒挂在心頭。據人言你會相思。教人爭①不越心癡。况風雨孤燈又不寐時。

小園

小亭低亞。眼前的詩耶畫耶。白梅花襯扇窗兒。淡垂楊帶箇棲鴉。天公偏稱野人家。寒似前宵略峭些。

①爭，同怎。

仙呂入雙調步步嬌

柳上新居

水際幽居疑浮島。結構多精巧。垂楊隱畫橋。轉過灣兒。竹屋風花掃。門僻是誰敲。賣魚人帶雨提魚到。

〔醉扶歸〕淡茫茫水鏡推窗曉。點疎疎漁燈夜候潮。暗昏昏鳩雨過平皋。白微微

鷺雪銷殘照。蓼汀秋水怎添篙。只覺的①地浮天漲乾坤小。

〔阜羅袍〕閒則扳髻②把釣。將魚籃一個背月而挑。巨螯紫蟹帶生糟。晚潮壓酒賓堪召。圍碁賭勝。猜拳賽高。共聯白社。約會青苗。更有閒中交際山陰棹。③

〔好姐姐〕種花兒不低不高。恰教他水流花照。芙蓉五色夾過水西橋。更荷花繞。每逢秋夏香難了。透着衣裙不可銷。

〔香柳娘〕更春風岸桃。更春風岸桃。水肥花少。癡肥恰是村粧貌。種籬邊野菜。種籬邊野菜。夜雨帶泥挑。滋味新鮮好。向池邊聯句。向池邊聯句。不用甚推敲。別是山林調。

〔尾文〕常常濁酒沉酣倒。高臥時聞拍枕潮。自起推窗正月上了。

①猶言祇覺得。

②魚網也。形似仰繳蓋，四維而張之。俗謂之扳髻。

③戴逵居剡縣，王子猷雪中乘

舟訪之，中途反棹，曰乘興而反也。

商調梧桐樹 賦月

松間漸漸明。柳外微微映。探出花梢。忽與東樓近。低低與几平。淡淡分窗進。雲去雲來磨洗千年鏡。照鞦韆院落人初靜。

〔東甌令〕山烟醒。柳烟晴。放出姮娥。羞澀影。裝成人世風流境。搖幾樹西廂杏。浩然風露夜冥冥。細語沒人聞。

〔大聖樂〕透疎簾照破黃昏。進鴛幃窺鳳枕。玉人何處瓊簫冷。心上事。夜香亭。多應是半輪慘淡相思鏡。還可是一段幽深弔古魂。梨花夢醒。早鶻啼恨血。草荒烟暝。

〔解三酲〕有多少闌干露冷。有多少高燭花明。有多少南樓好句裁三影。有多少綵袖籠燈。有多少曉風楊柳紅牙板。有多少歌館樓臺義甲箏。歡無盡。多應是冰魂蕩漾。逼出風情。

〔前腔〕更多少空窗製錦。更多少小閣挑燈。更多少楓江面掩琵琶冷。更多少茅店霜清。更多少悲笳曲罷關山靜。更多少玉笛吹殘參斗橫。情何盡。多應是冰輪有意照見銷魂。

〔尾文〕一些兒清光瑩。幻出人間萬古情。我別把冷眼閒心向百花樓上飲。

又 歌風

青萍葉勢平。春水波紋淨。動地撩天把日腳高吹醒。飛花打翠屏。飄葉敲金井。移海吹山直恁顛狂性。捲濤痕、齧破嫦娥影。

〔東甌令〕更低低颺欸欸生。撩帳褰衣不至誠。溫柔偏解偷幫襯。剛出浴冰肌瑩。就微微針竇也留情。一線引香魂。

〔大聖樂〕做春寒、遞入疎楞。漾釵旛、頭上冷。鬢花吹落香腮影。帶幾線淚痕冰。多應是飄零恰似郎心性。可更是蕩漾還如妾夢魂。燈昏暈死。正和花送雨惱人。

春病。

〔解三醒〕吹不了愁香怨粉。吹不了瘦鐵窮砧。吹不了玉門關上秋鴻影。吹不了曉月津亭。吹不了夜深裙帶雙鴛冷。吹不了春煖弓鞋百草生。淒涼景。吹薰了柳綿如霧。古渡荒城。

〔前腔〕吹不了紙錢灰冷。吹不了野燒痕青。吹不了酒旗葉葉春江影。吹不了古戍烟橫。吹不了人悲客路斜陽艇。吹不了鬼哭沙場夜雨燐。添淒哽。吹不了子規啼月血。遞微腥。

〔尾文〕任擷掀。從淒緊。翻覆猶如入世情。怎地把世上癡人。吹他春夢醒。

① 姮娥，一作嫦娥。淮南子：「羿請不死之藥於西王母，姮娥竊之奔月宮。」② 箏，古樂器，古十二弦，

後爲十三弦。義甲，箏名。③ 參斗，星名。見前注。④ 齧，音臬，噬也。謂齒相切以漸絕之也。⑤ 竇，小孔

也。⑥ 窗櫺也。⑦ 砧，擣衣石，通作碓。⑧ 子規。⑨ 擷播，掀翻。

商調二郎神 惜花

憐花病。見廢紫休紅點繡茵。輕又薄香魂全瘦損。多情薄命。經二十四番風信。烟雨樓臺一曲笙。更紗窗夜寒燈暈添人悶。寶闌干外。欲謝難禁。

〔啄木兒〕含風笑。浥○露顰。偏對淒涼掩淚人。乍飛粘錦字迴文。忽逗○破繡牀香印。春深小閣休文病。琴心近接蕭娘信。正獨自開窗檢繡裙。

〔二段子〕空中似塵。淡濛濛是誰人夢魂。苔前似鱗。點疎疎是誰人淚痕。平明一陣寒差甚。繡簾不捲風猶緊。正酒暈扶頭倦粧時分。

〔前腔〕桃源杏村。酒香衫風流後生。花棚繡裯。點青氈詞壇俊英。儘教拾向奚囊錦。可憐一霎繁華影。知道明年是誰相近。

〔滴留子〕一片片、一片片、芳菲哄人。一點點、一點點、東君負心。作踐韶華直恁。子規啼一聲。撩亂○古墳荒徑。幾回風雨。知多少、藁葬芳魂。

〔尾文〕陌頭剩有弓鞋印。又付與花驄^④踏作塵。總件件教人憐惜恁。

①泥，音邑，濕潤也。

②逗，音豆，物相投合也。杜詩：「遠逗錦江波。」

③紛亂也，元微之詩：「鬥鷄擲

亂驚。」④驄，馬之青白色者。

仙呂入雙調 夜行船 金陵懷古

虎踞龍蟠看江山妍秀古今都會。人間事。日夜潮來潮去興廢。楚楚衣冠擾擾干戈紛紛宅第如沸。今做了草頭烟尋得個斷碑無字。

〔前腔〕癡兒鑿破方山笑區區人力怎回天意。無多日楚漢龍蛇並起。從茲三世開基。五馬龍飛。六朝更替。慚媿空費盡祖龍。心依舊有人稱帝。

〔鬪黑麻〕殘碁賭罷輸贏把楸枰剩再尋敵對。歎齊梁陳宋總無長技。誰知佛寺已劫灰高臺^④是禍基。鳥空啼。只見如夢前朝在淮水東邊月裏。

〔前腔〕嗟嗤天塹中分儘長江設險好圖機會。怎神州未復楚囚流涕。吁嘻清談

豈事機。偏安豈帝基。總灰飛。說甚砥柱中流。但揮塵^⑤風流而已。

〔錦衣香〕歎前朝。眞兒戲。到如今。英雄淚。還笑幾許。么魔[△]要窺神器。誰知。天命有攸歸。和陽一旅。日月重輝。笑談間。萬里掃腥羶。羯胡北去。雪盡中原恥。替古今爭氣。鍾山^④呵護。劍開天地。

〔漿水令〕竟誰知。北平兵至。破金川。^⑦天心暗移。腐儒當國等兒戲。紛更是非。不合時宜。周官制。成何濟。成王^⑧已掛袈裟去。孤臣淚。孤臣淚。滔滔江水。年年化。年年化。杜鵑啼。

〔尾文〕話裏成興廢。歎今古。暮二朝四。向糊塗帳裏。大家癡睡。

①仙呂入雙調，在南曲中自立一宮，可以覆按南曲譜也。

②祖，始也。龍，君也。隱語始皇，後人因號秦

始皇爲祖龍，見史記。此言始皇開秦淮，欲厭王氣，而有人依然稱帝也。③謂南朝四百八十寺。

謂臺城，烏空啼用韋端己詩：「六朝如夢烏空啼。」④塵，音主。古以塵尾爲拂塵，故謂拂塵。⑤鍾

山，一名紫金山，在今南京中山門外。⑥城門名。⑦指建文出亡事，成祖兵南下也。因作者是明人，

元明散曲選

故以周成王代建文。

中華民國二十六年五月初版
中華民國三十六年二月三版

版權所有
翻印必究

中學國文補充
讀本第一集
元明散曲選二冊

(81646)

每部定價國幣叁元伍角

印刷地點外另加運費

選註者

盧冀野

主編者

丁王張
雲寄
音五
野岫

發行人

朱經農
上海河南中路

印刷所

商務印書館

發行所

商務印書館

(本書校對者 謝雨東 王崑武 孫平治)

上海图书馆藏书



A541 212 0002 2174B

